



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...**

**Gretser, Jacob**

**[München], 1613**

Jtem exemplar Epistolæ ad Domnum Pippinum Regem per Haribertum Abbatem, & Dodonem comitem directa, in qua continentur vberrimæ benedictiones & gratiarum laudes, de firmo atq[ue] incommutabili ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

His itaq; præmissis Dei nostri omnipotentis exoramus clementiam, vt sua vos fouere annuat gratia, & præfenti temporali regno in longo senio cum prosperitate corporis & salute animæ perfrui concedat. Vna cum dulcissima coniuge vestra excellentissima Regina filia & spiritali nostra commatre, atq; præcellentissimis vestris natis; & cœlestia quoque vobis per infinita tribuat præmiorum gaudia possidenda. Incolumem Excellentiam vestram gratia superna custodiat.

*Item exemplar Epistole ad Domnum Pippinum Regem per Haribertum Abbatem, & Dodonem comitem directæ, in qua continentur vberissima benedictiones & gratiarum laudes, de firmo atq; incommutabili pollicitationis verbo & magna perseuerantia in perficiendis causis Apostolicis.*

## XVIII.

**D**OMNO excellentissimo filio, & nostro spiritali compatri Pippino Regi Francorum & Patricio Romanorum Paulus Papa. Explere verbis nequeo & penitus sermonum copia nequam complecti valeo, excellentissime & reuera præcunctis regibus Christianissime atque orthodoxe Regum; quantum vestris meritis, atque piis operationum studiis intima cordis nostri affectio congratulatur, dum profectò vestro certaminis præsidio & laborioso conamine, sancta Catholica & Apostolica vniuersalis mater vestra spiritalis, Dei Ecclesia, atque orthodoxa Christianorum fides, ab æmulorum inpugnationibus ereptæ consistunt & ex hoc indefinenter, ab omni populo Chri-

Summ. 23.  
Bar. 68  
Cent.



Christiano, Redemptori nostro Domino Deo, ob tantum vestrum adhibitum beneficij adminiculum, referuntur laudes. Vnde merito Christianissime fili, & spiritualis Compater, cum egregio illo ac præcipuo David Rege, & eximio Prophetarum in cœlestibus regnis participem te esse omnium fidelium mentes opinantur; quia sicut honorum infulis, ita quoque & operibus eum coequare Christianitas tua, vt ipsa rei operatio demonstrat, dinoscitur. Ille enim, erepta ab Allophylis arca Domini, cum hymnis & canticis spiritualibus ac Psalterij modulatione exultans iocundabatur. Tu quoque; fundamentum & caput omnium Christianorum, sanctam Romanam redimens Ecclesiam, & vniuersum ei subiacentem populum, gaudens atque lætus omnipotenti Domino Deo nostro offerre satagis, cuius tam pij operis perfectionem adhibere benignitas tua anhelat, de quo iam repositam sibi in cœlestibus arcibus præmiorum credat consequi remunerationem.

Properantes siquidem ad vos, præsentis solertissimi viri Haribertus scilicet Abbas, & Dodo Comes, excellentiæ vestræ fidelissimi Missi, detulerunt nobis mellifluas, & nimis desiderabiles syllabas à vestra præclara Christianitate directas in quibus sollicitè nos de vestro firmo atque incommutabili pollicitationis verbo, & magnæ perseuerantiæ constantia, quam in Apostolicis perficiendis causis gerere videmini, certos reddere studuistis; quod quidem nos firmi & omnino freti in vestro benigno proposito existimamus, sine tenus vos permanuros atque perfectius operaturos, id quod B. Petro Apostolorum principi, & prædecessori Dño & germano nostro beatissimo Stephano Papæ, polliciti estis.

In-



Interea ferebatur, & hoc in eisdem vestris apicibus, quia id, quod & præsentis de parte vestra velle habuistis nos debere cognosci; scriptis nequaquam pro palare maluistis, sed in formatis de singulis causarum meritis, præfatis vestris Missis, quæ nostris deberent innotescere auribus, & ita, iuxta, vt à vobis præcepta sunt, egerunt, quod quidem nos de singulis, quæ nobis affati sunt, liquidius eos informauimus qualiter nostram vitam à Deo institutæ regali vestræ potentia enarrare debeant, sed & præsentis nostros Missos, id est, Ioannem Subdiaconum & Abbatem, atq; Petrum primum Defensorem cum eis pariter ad vestra regalia direximus \* vestigia; quos petimus benigne solite \* *fastigia.* à vobis suscipi, & quicquid vobis ex nostra informatione enarrauerint, eis in omnibus credere iubeatis, vt perfecta liberatio atq; exaltatio sanctæ Dei Ecclesiæ & fidei orthodoxæ proficiat, & merito repositam vobis in cælo consequamini mercedis coronam.

Deus autem omnipotens, qui in excelsis habitat, & humilia respicit, qui palmo vniuersum mundum concludit, in cuius manu omnia regnorum iura consistunt: sua vos protegat gratia, & è cælo vobis tribuat victorias, subiiciens vestro regali culmini omnes aduersantes nationes, æuisq; ac prosperis temporibus regni gubernacula faciat possidere; cum excellentissima filia, & nostra spiritali commatre, benignissima Regina, dulcissima vestra coniuge, atq; amantissimis natis Carolo & Carlomanno, excellentissimis regibus, & nobilissima atq; excellentissima Gisila, nostra spiritali filia, & vitam æternā, per infinita vobis tribuat sæcula possidendam. Incolumem Excellentiam vestram gratia superna custodiat.

O

Item